

1 **IGV: FUNCIONAMENTO**

2 **DEMOCRACIA, PARTICIPACIÓN, MUNICIPALISMO**

3 **(documento organizativo)**

4 Interior Galego Vivo (IGV) é unha plataforma cidadá que aglutina persoas, entidades cívicas e
5 colectivos sociais que deciden intervir na instancia social e política.

6 En consecuencia, IGV constitúese duplamente, ora como PARTIDO POLÍTICO con capacidade de
7 concorrer a calquera proceso electoral, ora trascendendo con moito a participación institucional, polo
8 que tamén se constitúe como unha ASOCIACIÓN.

9 O seu xeito de funcionar é **DEMOCRÁTICO**, de base **ASEMBLEAR** e **PARTICIPATIVO**, a través
10 de **ASEMBLEAS, GRUPOS DE TRABALLO, FOROS DE DEBATE** e **ASEMBLEAS LOCAIS** con
11 autonomía no seu ámbito (municipal). O seu órgano de goberno é a **COORDINADORA**.

12 Pertence a IGV calquera persoa que acepte os seus principios políticos e organizativos.

13 A participación de colectivos sociais estará suxeita simplemente á aceptación dos principios de IGV.

14 A participación das agrupacións locais municipalistas requirirá a sinatura dun acordo de colaboración e
15 a achega dunha cuota por parte da/s persoa/s concelleiras de habelas.

16 * A **ASEMBLEA XERAL** reunirase con carácter, canto menos, anual. Está conformada pola totalidade
17 de persoas adscritas a IGV participando a título individual. O seu formato, data e promoción é
18 responsabilidade da Coordinadora.

19 * A **COORDINADORA** reunirase, canto menos, con carácter trimestral, sendo aberta á participación –
20 con voz e sen voto – de representantes de colectivos e de calquera persoa de IGV con interese nos
21 temas a tratar.

22 Escóllese directamente polas persoas pertencentes a IGV na Asemblea. O seu mandato será anual.
23 Estará composta por entre 3 e 7 persoas eleitas pola Asemblea ás que se sumará unha persoa
24 escollida por cada asemblea local constituída, que terán voz e voto e que poderá ser diferente para
25 cada convocatoria da coordinadora, se a Asemblea Local o desexa (principio de rotación). As súas
26 xuntanzas serán abertas con carácter xeral, segundo se indique na convocatoria da propia
27 Coordinadora.

28 As súas competencias son:

29 - Voceiría pública, que recae na Coordinadora no seu conxunto.

- 30 - Coordinación e Organización
- 31 - Política de Comunicación común de IGV.
- 32 - Xestión das Finanzas comúns.
- 33 - Alianzas e relacións políticas supramunicipais.
- 34 - Eleccións a nivel supramunicipal.
- 35 - Relacións institucionais e sociais a nivel supramunicipal.

36 **Acórdase manter a actual coordinadora, até a vindeira asemblea, engadindo para ampliala unha**
37 **persoa por cada asemblea local.**

38 IGV facilitará a participación e discusión sobre as temáticas que afectan ao interior galego, tanto das
39 persoas e colectivos integrantes de IGV como da sociedade en xeral, a través dos GRUPOS DE
40 TRABALLO e dos FOROS DE DEBATE.

41 * Os **GRUPOS DE TRABALLO** no seo de IGV constitúense a proposta de calquera persoa/s ou
42 colectivo de IGV e serán creados pola Coordinadora, podendo ser permanentes ou puntuais.

43 O seu funcionamento será democrático e autónomo, mais recoméndase ter persoas dinamizadoras
44 para o seu correcto funcionamento. As súas propostas de comunicados ou xornadas trasladaranse á
45 Coordinadora para a súa aprobación, dotación de fondos e publicidade.

46 * Os **FOROS DE DEBATE** son encontros de debate sectorial que priorizarán a participación da
47 sociedade civil e persoas expertas nos temas que se trataren. Impulsaranse a proposta de calquera
48 persoa/s ou colectivo de IGV, que deberán colaborar na súa preparación e execución, e serán creados
49 pola Coordinadora. Poderán ser de ámbito local ou supralocal.

50 * As **ASEMBLEAS LOCAIS** son os organismos de participación de base de IGV. Poderán estar
51 vinculadas a un proxecto municipalista ou non. A política municipalista é competencia exclusiva das
52 ASEMBLEAS LOCAIS pertencentes a IGV, no marco xeral dos seus principios políticos e
53 organizativos, aínda que sempre en harmonía cos principios xerais dos que nos dotamos
54 colectivamente en IGV. Para participar en IGV a nivel individual é imprescindible adscribirse a unha
55 asemblea local ou comarcal cando exista. Poderanse constituír asembleas locais ou comarcais de IGV
56 con, canto menos, tres persoas adscritas a IGV.

57 **PARTICIPACIÓN ELECTORAL**

58 A decisión ou non da fórmula de concorrencia ás eleccións e a propia decisión de concorrer decidírase
59 por parte de todas as persoas adscritas para cada proceso electoral, salvo a concorrencia ás eleccións
60 municipais, que será competencia exclusiva de cada asemblea local. IGV porá os seus recursos a
61 disposición das Asembleas Locais para a xestión administrativa, financeira e loxística do proceso das
62 eleccións municipais.

63 A escolla de persoas candidatas aos procesos electorais a nivel municipal será competencia exclusiva
64 de cada asemblea local.

65 A escolla de representantes nas Deputacións, de ser o caso, acordarase en Asemblea a nivel de
66 Partido Xudicial (reunión das distintas asembleas locais e persoas adscritas a IGV nesa circunscrición),
67 escollendo entre as distintas persoas concelleiras eleitas nos distintos municipios. Terán dereito a voto
68 neste proceso as persoas adscritas a IGV con, canto menos, tres meses de antelación.

69 A escolla de persoas candidatas a procesos electorais de nivel supramunicipal será competencia do
70 conxunto de persoas de IGV de cada ámbito territorial. Terán dereito a voto neste proceso as persoas
71 adscritas a IGV con, canto menos, dous meses de antelación e deberá ratificarse pola Coordinadora.

72 **FINANCIAMENTO**

73 As fontes de ingresos de IGV serán as achegas voluntarias (doazóns) das persoas que o desexen,
74 ademais das cotas individuais das persoas concelleiras e as cotas ordinarias que se establezan.

75 Asemade, os ingresos procedentes da representación electoral, de habela, a nivel supramunicipal.

76 Os ingresos derivados da representación política municipal serán utilizados exclusivamente para
77 actividades políticas da propia localidade, segundo determine cada asemblea local. As finanzas dos
78 Grupos Municipais das candidaturas municipais de IGV serán xestionadas polos propios grupos
79 municipais conforme á lexislación vixente.

80 IGV ríxese polos principios de TRANSPARENCIA e DACIÓN DE CONTAS, que se producirá na
81 asemblea. A concreción destes a nivel dos Grupos Municipais determinarase por cada Asemblea Local.

82 A modificación deste documento organizativo será competencia da ASEMBLEA XERAL de IGV,
83 requirindo maioría simple.

84 Todo aspecto non regulado neste documento poderá ser obxecto de regulación por parte da
85 COORDINADORA co obxecto de facilitar o funcionamento de IGV, sempre que non afecte a estes
86 principios xerais.

87 Antas de Ulla, no interior galego, a 7 de maio de 2022.